



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XIX. De eodem, & quod in confirmationibus absentium nomina non sunt
scribenda.

urn:nbn:de:hbz:466:1-15588

ANNO CHRISTI
1179. quæ dispensatio sit super his adhibenda. Si enim matrimonia ita occulte contrahantur, quod exinde legitimi testes non appareant, hi qui ea contrahunt, non sunt aliquatenus ab ecclesia compellendi. Verumtamen ea, quæ sic contracta sunt, si personæ contrahentium voluerint publicare, nisi rationabilis causa præpediat, ab ecclesia recipienda sunt ac comprobanda, tamquam a principio in conspectu ecclesiæ contraherentur. Si qui autem de clandestino matrimonio postmodum ab ecclesia comprobato & rato habitu, geniti fuerint, eos legitimos iudices filios & heredes.

De in clandestino matrimonio genitis.

C A P. XVIII. *Idem Beluacensi episcopo.*

Nouit plenius, sicut credimus, tuæ discretionis prudentia, qualiter tu & fratres tui vnum corpus fitis: ita quod tu caput, & fratres tui membra esse comprobentur. Vnde non decet omissis membris, te aliorum consilio in ecclesiæ tuæ negotiis vti, cum id non sit dubium, & honestati tuæ & sanctorum patrum institutionibus contraire. Innotuit autem auribus nostris, quod tu sine consilio fratrum tuorum, abbates, abbatissas, & ceteras personas ecclesiasticas instituis ac destituis, non considerans & attendens, quomodo te non sit dubium sacros Canones transgredi, cum in huiusmodi causis & clericorum & laicorum circa te commorantium, qui de corpore ipsius ecclesiæ non sunt, potius quam fratrum tuorum consilio vti dicaris. Inde est quod apostolica auctoritate prohibemus, ne abbates, abbatissas, vel alias personas ecclesiasticas sine assensu & consilio * prioris * quod fratrum tuorum canonicorum instituere, vel destituere, aliqua de cetero ratione præsumas. Quod si forte, quod non credimus, contra præceptum nostrum venire præsumperis, nos tales institutiones & destitutiones, si quas amodo feceris, cassamus, & omni robo-re decernimus & stabilitate carere.

C A P. XIX. *Idem eidem in eodem libro.*

Quanto maiori dignitate, dante Domino, præemines, tanto te decet amplius & oportet in omnibus eam diligen-tiam & grauitatem habere, quod omnia videaris sine nota & reprehensione peragere, & laudabiliter iniunctæ tibi

Zzzz iii

folicitudinis officiū dispensare. Audiuiimus autem, vnde & mirati sumus, sicut & merito inde mirari possumus, quod in concessionibus & confirmationibus iuxta consilium & voluntatem eorum^{*} procedis, & in priuilegiis, quod tuam non decet honestatem, ad maiorem auctoritatem & certitudinem nomina fratrum tuorum, qui absentes fuerint, tamquam si præsentes fuissent, facis subscribi. Quia igitur non decet prudentiam tuam, in negotiis tibi commissæ ecclesiæ consilium fratrum tuorum^{*} proponere, cum quibus vnum corpus existere comprobaris: fraternitati tuæ per apostolicam sedem mandamus, quatenus in concessiōnibus, confirmationibus, & aliis eiusdem ecclesiæ negotiis fratres tuos requiras, & cum eorum consilio vel senioris partis, eadem negotia peragas, & pertractes: ut quæ statuenda fuerint, statuas, & errata corrigas, & euellenda dissipes & euellas: nec absentium fratrum nomina aliquatenus scribi facias, quia talia munimenta, irrita sunt & falsa: & tu exinde quæstionem falsi non immerito poteris formidare. Nos enim vniuersa priuilegia, in quibus absentium fratrum nomina, ipsis ignorantibus vel absentibus, subscripta sunt, vel amodo scribentur, irrita esse decernimus, & nullius firmitatis robur habere censemus.

C A P. XX.

Idem Huboldo Ostiensi episcopo, & archipresbytero & canonico
VVelleetur. in decimotertio libro registri.

Cum essem, frater episcope, in præsentia nostra constitutus, diligenter nobis assertione innotuisti, talem in episcopatu tuo inoleuisse consuetudinem, quod testamenta quæ fiunt in ultima voluntate, ut ab his qui potestatem habent super alios, penitus rescindantur, nisi cum subscriptione septem aut quinque testium fiant, secundum quod humanæ leges decernunt. Quia vero a diuina lege & sanctorum patrum statutis, & a generali consuetudine ecclesiæ, id esse noscitur alienum, cum scriptum sit: *In ore duorum vel trium testium stet omne verbum: præscriptam consuetudinem penitus improbamus, & testamenta, quæ parochiani vestri coram presbytero suo, & tribus vel duabus aliis personis idoneis in extrema voluntate de cetero fecerint, & firma decernimus permanere, & robur perpetu-*

Deut. 17.